

獨

學

廬

三

稿

獨學廬三稿

晚香樓集四 古今體詩七十二首

東吳石韞玉著

癸酉元旦

老至携家竟入林肯容世慮久相侵無官自比
魚歸壑有子何嫌鶴在陰學佛非為求福計健
忘不廢讀書心閒門賀歲人來少靜聽園禽弄
好音

花朝試筆二首

春光觸處吐靈苗一氣能傳六合遙二十四番

風次第總歸此日是生朝

芳菲百卉鬬精神辨色聞香即起塵識得一花一世界千紅萬紫總同春

寒石和尚七十壽言

靈山何處問宗風前是林公後是公法性證明三寶下詩名合附九僧中心同指月光常滿面喻觀河壽不窮休道年華古稀有文殊得果尚稱童

和寒石和尚七十自壽詩

閒裏吟詩倚瘦藤靜中起定對明燈悟時寶向

龍宮得迷處車探鼠穴乘六識心生降伏久四分律在受持能我從聽法猊牀下早作人間有髮僧

舟中口號二首

人家比屋多臨水路出橫塘始見山楊柳未青梅未白春光尚在有無間

古來梅信先春至近歲春分始作花應為清寒難久守要隨紅杏共繁華

奉題明虞部郎葉天寥先生戴笠像卷

古來列宿應郎官何事圖中戴笠看陶令生涯

原落冥蘇公丰骨最清寒高山仰止傳聞久滄
海橫流出處難莫怪風儀野人似早從神武掛
朝冠

癸酉上巳廖復堂轉運招集題襟館脩禊
與吳穀人洪桐生江易堂貴中孚張船
山諸君子分韻得聊字

舊日題襟地重開景物饒花邊設尊俎竹下集
賓寮館並翹材闢人因禊事邀畫圖商粉本言
論聚儒臬飮坐筵初列和羹鼎自調瑞占紅藥
藥芳動綠楊梢衙鼓應官晚雲林遠市囂山梅

留夕秀庭草發春韶歸燕尋巢至流鶯出谷嬌
開軒霏絳雪題壁護丹綃良會徵詩紀餘寒藉
酒消燃燈時卜夜分韻字拈聊促膝忘年輩盟
心訂久要光陰一百五令節正今朝

感春四首

生世真如旅卑喧欲避難燕歸知社近花謝惜
春殘蠶績貧家課榆羹儉歲餐舉頭看太白彈
鋏自沈瀾

稼圃非吾事中藏體物心槿朝頻易蕤竹歲即
成林助長田同石居竒栗勝金世情多作輟久

道是良箴

小園春正好稚子戲無端削竹為驂走持荷作
鏡看石麟非世出蠟鳳歎才難天遠誰能問榮
枯付達觀

衡門無健僕百事總曰循老馬常留棧驚羗亂
吠人衣裳空在笥甌釜欲生塵安得逢摩勒重
教氣象新

題吳枚菴畫像

我年十有八始游青衿隊誦法魯叟書束髮後
先輩維時搢觚家相尚事漆績萬口同一聲批

糠不可耐延陵有君子脩然塵埃內精心力稽
古當世曠無對書宗文董傳詩別金元代餘技
戲水墨亦與倪黃賽篆刻名一家古趣出鼎鼎
事事可我師傾心奉清誨壯游厯湖湘扁舟書
畫載抗禮公卿間耿介表風采我方典文學欣
逢素心在歲時接居遊坐閱春秋再一別十七
年溯洄苦靡逮忽聞簷鵲鳴蹙然足音賚於我
十年長絕少龍鍾態將母在高堂常盡慈烏愛
當今天爵榮如公應無配茲因贊公像長言述
梗概

食瓜偶成

種瓜老叟不憂貧，滿擔團圞露氣新。
市上舉肥嗤俗士，座中感舊慟賢人。
青門怕說封侯事，碧玉仍留待字身。
一味清涼除熱惱，讀書還可鎮心神。

孤竹圖為王生秋濤題

亭亭孤竹谷中萌，道是仙翁咒筍成。
若使化龍天上去，儘多霖雨到蒼生。

裴夫人壽言

故中丞宗錫之室

高門秦國系今日，壽星躔荀母從官久。
成侯受

詔先二邾華胄遠八座起居專教子三遷善宜
家百祿全親曰魏舒貴壻識韋臯賢班史搢觚
續周官隔幃傳午橋晉公第亥字絳人年酒取
蘭生侑籌憑鶴竿綿躋桃秋未老攀桂月將圓
蟠木榮芳圃鳴鳩祝綺筵諷庭花似錦芝朶玉
生烟逖聽羣仙會遙陳戩穀篇

六月寒

昨夜雨滂沱簷溜聲如瀑晨興御絺衣四體意
瑟縮涼風東北來發發振茆屋天氣冷如秋當
暑人思燠敝袍欲裝棉雞犬爨下宿我聞山東

人饑饉苦相續男女論斤賣藜藿不果腹于今
已三年行者聞野哭何以拯斯民歲豐五穀熟
似此六月寒逢年未可卜彼蒼心仁愛斯民禍
何酷安得鄒生律吹氣回黍谷舉眼視蒼蒼心
憂如轉轂

題江水月道士畫真卷

世外多清福山中養大年間尋白雲侶載詠紫
芝篇寶籙名先列金丹秘不宣神鋒斷治劍古
調蜀琴絃適我春携屐因師夜泊船倚松當雪
裏剪韭話燈前杖履留真相雲岩入畫禪風雷

生氣象翰墨締因緣樂大原天士張筠是地仙
禁方能煮石慧業早忘筌道自聞香悟齡非餌
藥延庚申常坐守甲子任推遷瑤草呼龍易瓊
禾飼鶴便拈花時莞爾對酒亦陶然抱朴稱同
輩傳薪屬後賢詩成遙寄與夢想到林泉

和李長吉惱公詩五十韻

芳草難延綠繁花易落紅光陰三月暮婚宦百
憂叢煮字人無術澆愁酒不濃夢持丹漆器詩
秘碧筠筒棄置同管蒯飄零等漆莢徒夸不羈
馬終作可憐蟲楊柳舒青眼菖蒲茁紫茸桃蹊

思李廣崔衍困王融既失金張寵聊賡鄭衛風
魏收驚蛺蝶謝朓秀芙蓉辛苦魚升竹優游鳥
出籠荒林癡待兔故紙快鑽蠡丰采看容與文
章闢晦蒙策名先魏闢籌筆在羌賓妙手矜驅
鱷雄心學射熊承符揮黑稍作奏謝彤弓嶰谷
音諧鳳崑岡氣吐虹移旌纔渤海倚劍久崆峒
蚤計求鶚炙迷途入蟻封歸如丁令鶴好異葉
公龍身守千金壁心堅百鍊銅肯循三穢跡欲
繼兩疏蹤八褊單衣敝三隅冷竈烘金錢揮赤
仄寶樹蔚青蔥燕岫新抽桂吳江舊染楓脩蛇

奔大壑健隼集高墉清福誰分汝閒情合讓儂
狂奴仍故態嫖女陋諸馮挽鹿依臯廡求凰引
蜀桐春風調笑近秋水溯洄從蜥蜴滄丹井鴛
鴦護翠櫳投璫娛歲晚種玉祝年豐鼎試春前
茗盤羞夏末松論文尋白嫗草約敕楊僮隱羨
南山豹歡逢北塞驄吉祥知止止巧令薄容容
帶愛忘腰適弁疑逼耳充鶴經陳席上驚羽植
房中黠鼠衣穿襪靈蛇髮縮髮忘憂護樹背扶
老竹名邛綵筆殷勤寄幽房宛轉通公卿常脫
畧草野怨疎慵豈羨羣居慧惟虞惡客逢有情

常繾綣無累莫惺忪道混儒仙佛占无悔吝
避囂愚叟谷持戒梵王宮挫銳師黃老金真仗
碧翁年華歷桑海生事託章縫懷抱消冰炭聲
聞念鼓鐘古今誰不朽萬類遜虛空

蒼聖祠

苞符啟元化一畫成義文佉盧與蒼頡兩聖生
同胞彼作梵王筭千佛妙義包頡乃造六書點
畫形聲交中國有文字斯實開前茅吾鄉多秀
民尊經習強匏崇祀以報本卜築城西郊巖巖
鐵花岩窈窕山之坳喬木森鬱律廣厦臨呀庠

葩華麗藻井翠蕤曳雲旂靈光耀四目恍惚神
來教羸氏燔六經淫威恣魚然兩京采遺籍萬
手迭傳抄魯魚與帝虎安得免溷淆所貴識字
人特出警懼惻形如范金鑄聲若吹管噶務令
衣珠授勿類瑟柱膠仁義當安宅禮樂充繁敎
神功被萬葉不讓燧與巢

山居十五詠

鶴壽山堂

茅堂新築小山幽此日歸潛願始酬宦拙早同
黃鵠舉心閒久為白雲留簾中絲竹供行樂壁

上川原當卧遊清俸寫成書萬本傳家端不羨
封侯

獨學廬

門曰謝客晝常關孤陋無聞亦等閒當世何人
知畏壘著書曾夢到鄉環學成隱几師南郭草
就移文付北山解讀離騷能飲酒此心常在聖
賢間

舒詠齋

文章結習我生初坐擁琳瑯向此居上客談經
爭奪席後生問字輒停車何緣豪傑思投筆始

信神仙愛讀書珍重河間獻王蹟常留光寵在

蓬廬

齋額
親王所題

晚香樓

男兒墜地萬緣牽草草勞人五十年識破浮生
同旅寄營成樂國婦梯仙妄思壽世留詩草稍
喜傳家有硯田一壑一邱天許我梅花看到菊
花天

五柳園

小築衡茅為養真百年喬木狀輪囷申公因樹
先成屋陶令歸田且卜鄰黃犬衛人常警夜倉

庚求友自鳴春却嫌車馬門前客偏向花源數
問津

花間草堂

學葉盧鴻舊草堂階前桃李儼成行春歸楊柳
風三面秋到蕪陵水一方社後烏衣猶葺壘曲
終紅豆自盈箱紙屏木榻香山樣不假莊嚴七
寶裝

滌山潭

閒坐苔磯理釣綸芳潭春到綠生鱗滌回恰暎
三分竹清淨寧沾一點塵依草落花無定相化

萍飛絮識前因
衡門自足洋洋
樂肯向河干更
伐輪

微波榭

幽室如巢楊柳陰
每逢避暑一登臨
出泥花有
超塵相在沼魚無
上竹心鍾子審音
調白雪浪
仙得句鑄黃金
蕪陵秋水分明是
欲問靈修路
轉深

花韻菴

蕭齋十笏向陽開
叢桂連蜷手自栽
曾在玉堂
呼供奉又將金粟
謚如來清言對客
揮松塵綺

語移人費麝煤老學維摩常宴坐不知天女散
花回

夢蝶齋

斗大新齋號小眠一場春夢笑當年卧游疑在
和神國迄起無忘化樂天每患花迷妨入道不
須羽化便登仙靈光養得心同月肯為香薰又
破禪

瑤華閣

璫窓高啟竹西偏六尺匡牀適小眠三面疎櫺
花作幃一區芳草石如拳曾聞樂府歌瓊樹又

說仙人耨玉田不及羅浮清夢穩舊時月色對
嬋娟

歸雲洞

一片雲飛六合間不成霖雨且歸山幾看變化
同蒼狗稍喜消搖伴白鷗有路通時花氣度無
人行處蘚痕斑經營好作藏書洞分付龍威謹
閉關

卧雲精舍

洞天常閉古藤陰幽徑還須掃葉尋黏紙壁間
成雪竇安絃石上作風聲擁花不覺衣裳冷對

月翻嬾院宇深敢道商榷出金石偶因懷古一
長吟

連理桑

墻下柔桑勢屈蟠結成穠綠覆蒼端枝生連理
逢時瑞根遠周行擇地寬食甚有懷賡魯頌原
蠶何事禁周官開開十畝吾非侶試作幽風畫
裏看

在山泉

貪廉何苦妄爭名水在山中性自清顏子一瓢
知道味蘇公萬斛喻文情養花有術能薰髓潤

物無功且濯纓願與堯民同飲此耕田擊壤過
今生

賦得春來遍是桃花水和菊溪相公憶武
陵舊游之作與吳生無山同賦

秦人故洞路無差曾駐征驂玩物華幽鳥驚窺
行役客暖風吹放及時花千竿竹箭環丹嶂兩
岸峰巒積翠霞波上画船歌歛乃鏡中芳樹影
天斜鰲祠共覲衣冠改野叟初逢笑語啞始覺
羲皇留太古不知魏晉是誰家忽傳綵筆詩爭
豔遙望仙源夢已賒此日問津凡幾輩共將舊

事說長沙

喜同年張船山太守卜居吳門

釋褐升朝二十春與君衆裏最相親
暫游吳市花驚目並坐蕭齋酒入脣
醉對雞豚呼佛子狂將奴僕命騷人
夢中忽有神來告決計辭官作逸民

答張蒔塘大尹

坐看富貴逼人忙始覺山林日月長
摩詰幽栖名竹里仲卿遺愛在桐鄉
傳家蠹簡糜清俸醫國龍宮授禁方
仰屋不知問生產近聞門戶付

諸郎

飲酒莫愁湖上醉中走筆成篇

龍蟠虎踞吳故都山川雄秀天下無老至筋骸
不濟勝姑携尊酒臨平湖湖邊草木連平楚烟
光一片秋模糊漁翁漁婆湖上住歲入官府輸
魚租當年靜女居城隅莫愁為字家姓盧鬱金
作堂香徧滿珍珠狼籍紅糴輸春秋代謝日月
逝綵雲易散瓊樹枯芳魂欲招渺無迹荒涼滿
目生荻蒲英雄昔稱孫伯符孤軍一旅成伯圖
伯圖未成將星落幽房空閉喬家姝蕭家寶卷

樂屠沽香車繡幃迎玉奴巍巍青樓夾大道倏
忽荆榛塞路衢黃奴燕樂狎客俱膝上常擁張
嫦娥北兵一朝渡濡須六宮粉黛成囚俘臙脂
故井不知處行人訪古空踟躕六朝轉轂幾須
臾此侯彼虜交相瘡不及茲湖一勺水風流終
古稱名區會稽太守真好事重新舊蹟山之岵
湖上水榭為李松筠先生守郡時所建紙窗木榻屏丹雘閑携賓
客追清娛朱軒一去不復反人世光陰如白駒
今朝風日正清美攜具到此開行廚蘆芽蕨荀
有至味安用炙鵠烹鳧離主人絮羹客祭酒對

景不辭傾百觴城樓啞啞啼暮鳥雲房梵唱集
茫芻夕陽在山人影散明月如鏡當歸途我持
尊酒向空酌英雄兒女同嗟吁

揚州遇沈星槎秀才賦贈

昔我識君時君年方十六我叨一歲長里巷相
徵逐常披董生帷屢看元卿竹鑿壁一鐙明臨
池千管禿君紉空谷蘭我采中原菽一別四十
年光陰如轉轂今朝在蕪城兩葉浮萍觸執手
各听然髮容已非俶昔為不羈馬超騰千里足
今作社中櫟擁腫而卷曲皤然兩禿翁蟬聯厯

信宿主人若鄭莊愛客傾醺醪開筵集紅妝彈
箏復擊筑折俎薦雞豚雕盤襍穀藪陳娥與毛
女身披五銖服當筵角明瓊纖纖手如玉酒至
發清謳明珠聲絕續懽樂興未央卜畫繼以燭
我醉發狂言聽者耳而目世事如浮雲呼吸現
榮辱白衣化蒼狗六合無定躅不見東方生手
草三千牘漢皇作弄臣寶劍空割肉又如揚子
雲清靜習符籙事急不聊生奮身別天祿高軒
羨鶴乘衡木苦牛牯忿忿白髮生忽忽黃梁熟
行藏當自斷安用問龜卜君復向我言近頗厭

塵俗飯心空王法少欲因知足宴坐常觀心飽
食自捫腹世間六種塵無一非飀毒善哉夫君
言至理異蒙瀆歧路已亡羊安問臧與穀飛鴻
雲中翔狡兔草間伏一步觸危機百方不能贖
萬事不如歸故山清且淑與君卜鄰住常守松
與菊

隨園看牡丹追懷簡齋先生二首

妙相莊嚴若自持蒼靈雨露豈無私玉樓名好
春何晚金屋粧殘寵欲移紅藥心甘充近侍黃
花生恨不同時穠華特出羣芳上不許尋常蜂

蜨知

繡幕金鈴謹護持
主人愛養若為私
倚欄不覺天香發
張蓋頻隨日色移
地僻自含山澤氣
歲深看到子孫時
謫仙草就清平曲
小技曾邀國士知

秋日遊西山和黃堯圃韻八首

行跡徧天下言旋歸
故山獨學寡儔侶
寂寥常閑關祇林有
開士近在咫尺間
幽人邀我去林麓
同躋攀松下叩荆扉
相見禮數刪問以無
生法導引心不慊
階前十竿竹新筍已
成斑乘除

悟物理所貴在心閒

山僧愛禪寂閉門無客至與我獨有緣經時必
馳思文殊與維摩論法原不二每聞空谷音輒
復迎門遲扶老倚瘦藤嘗新薦芳芰說法無異
趣論詩有同嗜坐待東山月夜深不肯睡萬籟
皆寂然遙鐘起鄰寺

黃子清興發奮筆導我前新詩若韋孟澹泊追
前賢即事啟妙旨當筵聳吟肩因茲一夕話結
此三生緣憶昔昌黎翁蹤跡比大顛亦有陶士
行手酌菩薩泉儒墨同一本何處分婬妍且結

方外交脫略消殘年

穹窿西山勝一歲兩至此山泉滌塵襟松風清
俗耳仙佛無兩端至道本如是白雲入疎櫺青
峰映紫几鄴侯亦山人樂大即天士誰與注真
文我思浮邱子掃淨秋空雲不留太清滓山中
鐵竹僊有客懷芳趾

世界大如此中有傀儡棚嗟彼一孔儒昭昭侈
小明漢世朱翁子搯術工逢迎一朝典鄉郡錦
衣當畫行至今讀書處水木含餘清譬諸古瑞
室作頌頌鍾嶸好事都元敬鑿石手題名硯田

可逢年稽古豚力耕

野人輦筍將行下山麓路過拈花寺廟貌甚
清肅近有樂翁坪來獻圖卜山門久荒顏溪
水空淫鬻偶發菩提心勢易如破竹化城輪奐
新靜室栴檀馥福田種善緣君子貽有穀僧廚
粥飯香門外有眠犢

心似已灰木身如不繫舟善哉坡公語毘盧頂
上頭山溪有蘋藻可為王公羞書倉擁萬卷不
讓百城侯眼中吾老矣時作汗漫游徜徉山水
間聊以忘我憂不為朱紫客俯仰得自由何以

娛晚歲一壑與一邱

傳雲藹空中令我思親友披卷讀君詩紛綸積
八首有如大小珠厯落盤中走我欲步後塵輸
攻墨能守雲龍好追逐騃騃互先後雲霞與日
新松柏得天厚同聽上方磬共傾中山酒終期
德有隣豈謂物無耦

題子婦慧文三十學書圖卷

有序

余年十四五時觀先輩所作八分書輒見獵
心喜每遇淨几廢繡塗鴉不已然無所師承
也既壯宦游四方廣收漢唐碑碣每獲一通

即臨摹數十過於是一知古人運筆之意漢人以解散六書為工然字今而趣古唐人以參用二篆為貴然字古而趣凡此惟深思好學者知之非可以口舌宣也余筆法無所授授之於子婦慧文竊惟右軍之學授子獻之中郎之學授女文姬古未有婦事舅而傳其業者有之則自慧文始他日藝林又當多一故事矣慧文近作三十學書圖余為題幀首復繫以詩二章

我家萬卷是良田筆耒偏憑子舍傳三十學書

殊未晚由來金石最長年

漢唐碑碣今多有能益多師盡我師却笑鴻都
寫經客未將心畫授文姬

六梅閣觀梅圖為穹窿道士作二首

一枝香雪倚闌干常共仙翁伴歲寒我獨無緣
花下住瓊姿只向畫中看

曾向瀛洲賭玉塵百花頭上報先春分明一枕
游仙夢歸卧空山看月輪

題孫淵如畫真

宦海抽身世幾人使君與我竟全真名山歲月

原無盡壽者鬚眉別有神每假園林同嘯傲更
容兒女附婚姻相期不問人間事但向清時作
幸民

楊樹堂聽松園

有客髯如戟相逢圖畫中淵明樂泉石宏景愛
松風道德師黃老行藏聽碧翁西湖好山水清
景與誰同

閒步小園口號

閒巡老圃問秋容叢菊雕殘露氣濃莫道此花
真殿歲要留青眼看芙蓉

暮秋感事五首

老至光陰料有涯百憂無策可安排尸居甘作
麒麟脰肉食偏持玳瑁齋老馬虺隤依棧豆舊
人零落念蒼鉞忽聞蟻賊驚三輔獨立西風一
愴懷

帝澤如春徧兆民何緣灾祲歲相因頻年洛水
漂南國一夕妖星孛北辰幸仗銀槍充宿衛邙
知金虎在宮鄰諸公久享昇平福早定訐謏答
聖人

比戶瘡痍大小東關心常與夢魂通催科吏報

田多稼保障人忘莽伏戎共道穿墉多黠鼠却
憐鳴澤有哀鴻談兵但說劉中壘聊藉蒼頭奮
擊功

秦楚烽烟靖十秋倏驚狂矢又西流潢池有寇
探丸起帷幄何人借箸謀平行地應先壁壘拍
張士可換兜鍪匣中繡澀吳鉤冷卧看招搖詠
四愁

天心人事兩悠悠有客言愁我亦愁門外裴休
思作佛帳中李賀夢封侯探丸斫吏成兒戲杖
策臨戎聚道謀草野屢聞哀痛

詔封疆誰解

廟堂憂

穹窿道士王秋谷一邱一壑圖

山虛水深風高木落此中有人遺羣立獨蒼崖
插天上有飛瀑流泉在山不染五濁綠草如茵
左右脩竹抱膝無言脩然意足萬物芻狗百年
風燭孺躋道真歸於太樸

松桂讀書圖為同年王珠潭大尹題

官舍清如水公餘且讀書青箱王氏學綠野晉
公居喬木龍鱗古新茶雀舌初風流無吏隱夢

想寄佳廬

客舍偶成二首

旅寄鍾山麓開門對翠微
戍樓依樹立樵擔帶
花歸峰似三義髻田如百衲衣
竹間聞犬吠有客歛柴扉

公瑾道南宅吾家八口容
芳林清入鏡小石秀
成峰冒雨秋尋菊因風夜聽松
野人樂安隱睡起日高春

題周鼎齋載菊圖卷四首

山人費盡買山錢
解組歸來已十年
一片秋心

何處寄西風親駕載花船

陶令移家入翠微柳陰深處啓柴扉
鬢頭童子迎門候知道先生載菊歸

野水瀦洄漾碧波愛花心事入秋多
蕩舟人亦如花艷解唱巴渝水調歌

萬山蜀道放歸橈與子同歸慰寂寥
秋色正佳人正健世間清福最難消

送周廡堂大司空入都

司空拜命轉朝端暫駐征驂慰古歡
課士共傳文似錦逢人常覺臭如蘭
青雲故舊中年少白

首分離後會難要識潛夫今伏處
無消息到
長安

獨學廬三稿

晚香樓集五 古今體詩一百一首

東吳石韞玉著

晚香樓守歲作

神武歸來久乞骸幽居謝客閉蕭齋扶牀笑說
嬰兒長解竈憐無老婦偕鵲語報人新歲喜梅
花助我小園佳側聞河朔烽烟淨手酌屠蘇一
放懷

菊溪相公遣人饋歲賦詩寄謝二首

昨歲烽烟起定陶相公持節自賢勞策勲剖竹

登麟閣愛士頒金到馬曹料敵頻揮諸葛筆誅
奸親試呂虔刀近聞露布傳河朔想與三軍解
戰袍

軍中籌策想勞神尚折疏麻遠饋貧捆載熏煩
千里騎驢陳頓助一家春師貞早聽饒歌奏才
大仍調玉燭新聞道八騶將述職冠公終乞借
吳民

送陸壻卓夫入都赴春官之試四首

蚤從總角識韋臯我若傳衣定汝曹官職聲名
皆有數不須辛苦鬱輪袍

文章最是雅馴難莫把波旬當佛看都為韓門
尚竒恠妖庶鬼賀滿詞壇

聞道靈臺已偃兵公車且與計偕行萬言儻有
逢時策應矢忠貞答

聖明

欲折疏麻寄日邊公卿姓字總茫然老夫自脫
朝衫後不看除書已六年

讀蔣心餘彭湘涵郭頻伽詞草各繫一詩
詩到西江氣象新元卿才調軼羣倫銅琶鐵板
麗豪甚要與蘇辛作替人

龍堆馬邑數經過曾和天山敕勒歌萬卷紛綸
奔腕下從來名士患才多

新聲宛轉譜紅牙姜史傳薪又一家但有井華
堪汲處無人不解唱頻伽

初春至鳳巢訪會一上人雪中呵凍錄成

二十四韻

此山名鳳巢何年曾巢鳳羣峰迫鬱蟠一徑直
鴻網道人避塵囂縋幽夏鑿空小築精伽藍木
石自斲礮移樹嶽神臨散花天女爰平臺岩建
領幽壑如入甕荒庭水平堦虛閣雪停棟斷澗

鳴冰漸長林隱煙霽我生愛幽討望雲輒空悠
一意竟孤行三人亦成衆穿林尋梵唄策杖却
騶哄入門妙香聞開窗空翠貢緣牆艾蒨乾綴
簷冰箸凍石泉助茗戰松風和琴弄道人古神
秀逸材脫羈鞵頻繙貝葉文永絕藕絲痛四分
律自持萬轉經常諷習靜觀久空叅禪機亦中
心遠百魔除道高四流控山疑驚嶺飛僧學虎
溪送蒼涼文殊臺莊嚴善財洞高峯堯峯間有
此可伯仲青天留鴻跡丹穴求獅潼聊偷半日
閒且結三生夢

春中得朱晉階中丞陝中消息書以志事
終南山色翠如屏神寶能消殺氣腥驛信到時
梅蘂白征夫行處柳條青中丞畫戟新開府諸
將雲臺舊勒銘軍政由來威克愛勿容鼠雀史
逃刑

默堂小飲既醉秉燭夜歸

携筇閒訪習家池大小游仙寄所思深巷綠莎
花下屐畫屏紅豆酒邊詞傷離不忍攀楊柳垂
老何心食蛤蜊惆悵玉梅漸零落我猶曾及未
開時

樂餘老人八十壽詩

又對南山頌有臺卅年杖履數追陪身傳抱朴
延齡術家有庭堅邁種才謂禹三積善自能徼
五福放生無可避三灾仲春逢閏天增壽佇看
恩光日下來

和寒石大師

山容常入畫泉響似鳴琴偶示維摩疾猶廢支
遁吟菜香留客便竹色閉門深詩思清如雪無
慙孟與岑

寒石師新得怪松一株植於披雲堂前名

之曰曲壽即莊生所云不材之木以天
年終之意賦詩見示依韻奉酬

聞說支離叟空山獨耐寒壽同龍樹老聲當海
潮觀定起焚香對吟餘倚杖看請如童子竹日
與報平安

小園即事二首

東風吹暖入銀屏春氣催花不暫停昨夜池塘
微雨過萬條枯柳一齊青

日日春寒禁小梅一朝暖氣為催開夜來又值
風和雨狼藉殘香滿碧苔

春日招蕪山小飲以詩代簡

燕居無客可招攜，報罷晨雞又午雞。
月到柳梢如有約，詩留竹上半無題。
元卿開徑花頻掃，列子連牆酒自提。
新綠四圍成帳幄，早來並坐聽黃鸝。

紙鳶二首

一舉翀天不可尋，峻嶒瘦骨異凡禽。
春來日日風和雨，閒煞雲霄萬里心。

青天疑可歷階升，手握絲綸氣便矜。
一落雲霄忽千丈，始知風信本無憑。

假館孫氏五松園和唐陶山太守題壁詩

韻三首

宦海無邊各引身
巖居風景四時新
地當鍾阜多林壑
客就龐公忘主賓
金谷園中閒歲月
玉堂天上舊星辰
萬間容得寰區士
何況梁鴻是故人

蕭齋如坐古香林
游嶽何須學向禽
燕子定巢原旅寄
鼠姑拂檻又春深
松間風響能清耳
嶺上雲歸自息心
猿鶴同盟應共守
不容俗士更相尋

草堂無異綠莎廳。偶爾因緣此暫停。設棘安籬成小隱。栽花蒔竹夾長汀。也隨農圃營生計。聊假琴書瀹性靈。誰道戴筐皆將相。其中今有少微星。

門有車馬客行送張古餘太守入都

仲春風日好。桃李滿園開。當關報有客。五馬從西來。客本金閨彥。胸藏濟世才。十年典大郡。報政尚書臺。班荆欣道故。春江綠如醅。共尋金蘭契。弗假羔鴈媒。歡笑不終日。鳴騶當路催。憶昔初相見。傾蓋蕪城隈。維時淮南北。涿水方為災。

窮黎失衽席膏壤成汙萊都君善輯寧噢咻如
嬰孩懸鏡獄不留吞舟網亦恢即今遺愛在一
路甘棠培

皇朝方求賢經綸並雲雷寶玉不韞匱龍驥皆
呈材夫君入承明應有交章推天衢近若咫尺行
矣莫徘徊

謝客

當歌對酒儘盤桓無奈衰年意興闌豈有公卿
能脫畧况逢絲竹動悲歡迷離倦眼看花嬾零
落殘牙食肉難惟愛山廚蔬筍味養生真率易

加餐

小遊仙詞八首

銀箋一卷錄雲仙箇箇真靈慧業傳却怪淮王
丹熟後止携雞犬共昇天

碧城十二與雲齊自古雲心亦憶泥贏得態盈
娘子韞躋虛不用上天梯

銀河欲渡苦無橋雲裏仙人翡翠翹竊得靈簫
好名字私來塵世魅弦超

瑤池遠在白雲鄉消息傳來郭蜜香多少靈飛
微妙訣一時傾倒付劉郎

百尺瑤臺可避風
世間亦有廣寒宮
嫦娥自餌長生藥
雙鬢蕭疎住月中

廣寒宮殿正秋清
厥利維何顧免迎
借問吳剛緣底事
不教桂樹得長生

天上婚姻亦論財
黃姑曾貰聘錢來
憐他選作天孫壻
也似黔婁百事乖

滄波幾度看揚塵
海上麻姑雪鬢新
却怪鍾離都散漢
無端領袖列仙人

夜宴即事

高宴開三昧
華燈燦九微
疏香登澗瀝
花氣襲

林非鹿角箏人爪岑牟鼓史衣驪歌門外動坐
客醉忘歸

初夏歸家

一聲鵲語噪簷牙稚子迎門喚阿爺桃萼絢春
餘綠葉菜根添夏作黃花鴻都人去空留藥龍
井僧來特餉茶笑我故園翻似客年年蹤跡寄
天涯

江上

萬嶺綠參差舟行若馬馳幘因歡笑墮枕為卧
游歌江闊鷗飛倦天寒麥秀遲祖生曾擊楫此

意竟誰知

庭前牡丹盛開

百寶欄前風日清一叢紅豔羣英玉樓共識
非凡品金屋深藏過此生俄頃繁華原似夢當
時顏色獨傾城錦幃翠被空相擬都恐燕支盡
不成

對雨

雨勢鳴簷急風聲撼樹狂雷霆方破柱螻蟻自
緣牆消暑神先爽逢年意未忘蒼生常在宥蹤
跡自滄浪

館娃宮四首

姑蘇臺畔百花叢一朶芙蓉近日紅
回首葦蘿諸女伴淒涼采葛滿山中

靈巖別館出雲端越女如花壓上闌
誰說君王真好色一錢便許市人看

鴛鴦湖上語兒亭此事無稽亦妄聽
他日五湖偕隱去雲鬟可似舊時青

鴟夷三徙為逃名湖上移家一舸輕
爵祿可辭金可散最難拋撇是傾城

悼船山同年三首

靈運生天竟我先空傳詩卷五千篇
世間緣盡應分手地下才多孰比肩
肆志英雄都縱酒慧心文字總通禪
清談從此無人會每拊流波輒
潸然

才似張衡信絕倫即論為政亦超塵
幽蘭竟作當門草老桂終成抱火薪
直道不容寧悔拙急流能退已如神

君恩祖德皆難負何苦脂韋誤四民
與君離合太無端坐看榮枯到益棺
八口零丁歸未得一官落拓棄非難
中郎有女終誰適伯

道無兒死更安今日寢門將卒哭此生何地再
追歡

題船山遺墨

劍外張郎絕世才一朝御辨出塵埃即看鼠啮
枯藤意想見懸崖撒手來

杏花白燕圖為蔣伯生大尹題二首

社日歸來雪滿衣舊時王謝故人稀珠簾盡棟
無棲處姑向山林自在飛

坐看瓊林十度花羽毛自愛玉無瑕竹中三徑
元卿宅不是尋常百姓家

楊雪湖先生遺像

先生名執字碩父
瞿稼軒之客也

桂林烽火接南邕將相艱危百戰中憂患餘生
忘主客神仙結習本英雄西臺慟哭吟詩苦東
海逃名歎道窮不與令威同化鶴天留遺老說
孤忠

將赴維揚舟次和子鐵秋陶小松聯句之
作四首

草草勞人聚高歌行路難烟花吟杜牧鹽鐵論
桓寬對面山如畫同心客似蘭縱譚天下事露
坐不知寒

霖雨久不作征夫舟楫遲偶然共行役先自定
歸期坐合青雲客行吟白雪詞風濤忘險阻忠
信是吾師

挂席金焦下名山可卧遊道場雙樹在江月一
樽酬寫怨吟芳草忘機釣直鉤江鄉方望歲秋
色使人愁

淮海維揚郡繁華雋俗傳珠簾仍暎月瓊樹已
成烟綠野彈丸小黃河帶水聯地肥民自瘠誰
解萬夫懸

諸子繼作疊前韻和之

客思家食好老識世途難風月隨身近江山放
眼寬有懷陶令柳無價謝庭蘭松柏知非易相
觀在歲寒

士貴修名立由來大器遲目無餘子在心共古
人期賈董逢時策齊梁絕代詞無收華與實萬
卷益多師

總為飢驅去非關我好遊亡書三篋補妄語一
縑酬士苦多於鯽人甘屈似鉤近來商女曲不
止唱無愁

河廣同舟濟書多副墨傳癡心爭鼠璞倦眼謝

雲烟筆賭生花艷牀因話雨聯名山無盡藏終
古一燈懸

邗上贈龔平甫即題畫像

傾蓋相逢見性情廿年湖海舊知名班超用世
方投筆賈誼匡時正獵纓疊石執花成小築引
盃看劍罄平生凌烟畫像尋常事萬卷先教傲
百城

廖復堂轉運新築歸鶴亭賦詩落之

偶向蓬壺汗漫行歸來仍對主人鳴堂前燕賀
新居好江上鷗聯舊日盟趙抃當官琴共載鮑

昭拈韻賦先成羽毛自愛平生志回首雲霄萬里情

食車螯作

蛤蜊種非一種種觀我頤車螯亦其類地僻世罕知珍異抗海錯滋生在江湄內無知覺運外有文采施每隨潮上下亦與月盈虧賦形殊混沌辨種靡雄雌非籍常守口無竅安施眉聊勝坐井蛙妄擬測海蠡嘗新美無度飽食秋為期自矜藏身固誰料棄甲危今年蕪城住有客頻見貽不憑門生議直付煇人治傾筐市非逖挂

席拾遺遺徵名蟹胥類肖形姹女私捉同跋足
鼈蛻似剗腸龜烹專屬爨婢捕不需罟師鏗鏗
羹轆釜滴滴膏流匙初疑乳成酥旋覺膚凝脂
江瑤乃族類海蜚匪等夷質應由雀化力不勝
醵持寧方瓦楞賤稍遜珠胎奇祛冷紫薑末受
辛青蒜絲滑膩雜湯餅芳鮮佐酒卮鄙人析果
腹演此車螯辭

題孔夫人畫像二首

憶昔扶風問字年後堂絲竹接彭宣烏衣子弟
都零落詠絮惟推道韞賢

夫人為徐寧
遠先生之女

左家嬌女解吟詩曾見扶牀學繡時今日黃堂
尊命婦起居八座鬢成絲

重九日偕張蒔塘入鳳巢訪會一上人

秋色城西路清游又此番青山開士宅黃葉夕
陽村道樹元無種靈泉必有源華嚴深似海妙
舌總瀾翻

贈柏菴沙彌

柏有後凋姿微名汝善思花當新好候日在可
中時世諦風輪轉禪心露柱知我無金布地法
喜筭檀施

倪高士竹石圖

町畦脫盡見天倪
此事元非肉眼知
識得雲林真秘密
百年惟有謝瀟湄

謝名淞洲吾鄉人仿雲林書画可亂真也

重過鳳山小隱

昔我曾棲此
重来似故鄉
佛因三宿戀
人苦百年忙
庭列新生竹
山圍舊講堂
不知王謝燕
幾度話斜陽

夜坐吟

寂寞金堂夜
蟲語仰看繁
星實如雨
豐隆揚桴
天鼓鳴靈臺
太史奏偃兵
蒼鳥羣飛孰
為紀欲

射貪狼手無矢一星倏度天河西流光燭人如
白蜺

秋燕

秋燕辭巢去誰家畫棟棲風光無上下溝水有
東西萍化難還絮雲飛尚憶泥城南天咫尺夢
似楚山迷

張友樵六十壽言

衡門東接鄭公廬三世相依比屋居愛古自成
名世業尊生兼習活人書淮王煉藥升雞犬楊
子雕蟲辨虎魚綠鬚交遊到黃髮杖鄉先我一

年餘

猛虎行

悲風起林壑猛虎突然來欲逃苦無路百獸心
肝摧虎乎虎乎爾何求虎與百獸非有讐皇天
畀予殺人性逢肉不食涎先流吁嗟百獸心勿
疚我有一言為汝剖世間灾福事乘除豐草長
林汝樂久騶虞麒麟不世生牛哀物化怒未平
狐狸假威犬助虐百獸有冤何處鳴

秋興八首和少陵韻

悲哉秋氣滿園林頌到金天意鬱森屈子卜居

行澤畔王家誓墓住山陰觀河自惜將衰齒匪
石能持不轉心江北江南衣帶隔百端愁緒觸
鳴砧

素屏圍菊影橫斜一種芬芳殿歲華詩瘦欲追
丹篆客酒行更勸碧山槎江間夜色催征襪城
上秋聲入戍笳塵世榮枯忘已久宵燈何事忽
生花

山中百草戀春暉推測機祥到少微晉國五蛇
升復墜宋郊六鷁退仍飛萬言經世心常在一
畫先天道不違束髮本無溫飽志肯從華廡鬥

甘肥

疎簾有客坐圍棋勝敗循環意可悲老子踞觚
常獨笑野人爭席已多時守株待兔謀方秘見
彈求鷄慮尚遲欲向楸枰分黑白當師行父再
三思

中年解組便歸山回首功名顯晦間一障乘邊
通蜀道二陵守險在秦關豈無鐘鼎酌韓范那
有簞瓢樂孔顏誰道書生多落拓幾人珥筆陟
華班

浮家來去大江頭雙鬢蕭疎對晚秋聊假蠹編

銷壯志偶持醇酒被清愁一枝易息啁啾雀萬
里難馴浩蕩鷗淪落天涯誰比似青衫紅淚老
江州

清商掣斂告成功萬寶盈虛視此中碩鼠在郊
夸樂土哀鴻滿澤哭秋風衣穿八襪霜初白竈
冷三隅火不紅共道救荒無善策采詩應問石
壕翁

淮南江北路逶迤銷盡錢刀彼澤陂貉聚一邱
真有類鳥飛三匝已無枝荒唐海客虛成市耿
介山靈自勒移廣廈萬間原不易書生大願只

空垂

和菊溪相公瓜步舟中之作二首

莖逆龜從孰是非
括人言出繫樞機
浮雲萬變終無定
窮鳥三年倦未飛
比屋蕭條逢歲祲
當官憂患在民依
石壕猶有催租吏
雞犬搜牢不肯歸

古賢五十早知非
四海勞薪願息機
赤子豈忘慈母愛
白雲只近故山飛
平湖水靜魚常樂
喬木陰多鳥自依
却為魯人苛似虎
斯民齊向召公歸

京口舟中感事偶成四首

秋潮不盈尺萬艦守江潯荷鋤千夫集徵金百
吏瘠虬荒行雨職豕阻涉波心誰解籌溝洫司
空似有箴

水驛三千里東南轉漕難農夫祈樂歲河使責
安瀾令長逋頻積租庸力漸殫因時憑計相何
策善更端

稼穡蒸民寶其如鹵莽何有人能治水無地不
宜禾田賦遺經在河渠舊志多幽風如可繪六
合總同科

寂寞蘆中士憂時轉鬱陶開倉思汲黯饋食仗
黔敖粟似量珠貴金同沃雪消近來賢者意百
計在搜牢

讀彭甘亭廢畦斷橋二詩感而賦之

蓼辛荼苦境全空一片寒蕪夕照中舊井禽來
招不下枯株兔去守無功瓜當抱蔓通侯死菜
欲尋根計相窮賸得場師雙鬢白鶉衣憔悴立
秋風

兩屋相望阻長汀欹柱危欄失舊形阮籍途窮
空有淚馬卿官貴已無銘一川寒碧從中瀉千

里飛黃到此停亭父尚知前度事
畫輪繡幃幾人經

枕上口占

碌碌浮生為底忙壯夫垂暮亦積唐
世間何事堪娛老只有溫柔與醉鄉

書述日積賦此自嘲

朝朝染翰夜燃脂黃素堆床困不支
倦腕欲師投筆客癡心翻慕結繩時
中書已禿如毛穎精衛難填是墨池
但覺日遭需索苦幾曾徇忠與

州知
酉矢口

揚州作二首

瓊樹珠簾艷舊聞風流不見杜司勳文章江左
禾三變賓客淮南貉一羣公等因人終碌碌近
來餘子益紛紛梅花嶺上春如海尊酒先酌閣
部墳

不是笙簫即綺羅萬家衣食仗熬波達官對客
如鷺傲游士登門似鯽多諂笑夏畦逢病鬼迷
離春夢喚癡婆閉關自作空山想祇怕荒傖觸
熱過

寄懷么姬

六十年華老病增有人百事意先承
殢他同夢呼么鳳勸我歸田學季鷹
對酒解調中婦瑟讀書知續少卿燈
尋常行住如形影此日孤蓬思不勝

抱膝吟八首

路入桃源忘遠門對桑陰自開三月
烟花南國十年絲竹東山

少年射策亦中今生讀書已遲識字
恒河沙數評詩明月雪時

百歲有身如寄九州何處非家此日
逝同流水

他生修到梅花

詩教溫柔敦厚琴心澹泊和平蓋公清靜常樂
莊叟荒唐自鳴

世事桑田滄海人生華屋山邱笑爾非熊非虎
任他呼馬呼牛

公卿守官非易子弟讀書便佳但與二豪盤礴
莫逢兩狗噬柴

軍中磨盾草檄林下彈琴咏詩一生行藏自斷
六爻動靜皆宜

半點半癡成性一邱一壑安身不與韓非同傳

且向許由卜鄰

袁浦除夜作

敝衣破帽忽衝寒風雪淮陰歲又闌
老至恁恁驚節序旅居草草到杯盤
椒花有頌懷人遠葦索無靈辟鬼難
六十平頭良不易一枝桃杖詰朝看

獨學廬三稿

晚香樓集六 古今體詩九十二首

東吳石韞玉著

乙亥元旦

芻尼報喜到簾櫳
律轉東風氣漸融
爆竹千聲催日上
雪花六出兆年豐
城邊鼓聽回槓好
窓下燈留禿炷紅
寄語故園小兒女
早營椒酒候衰翁

題天池生畫雪裏芭蕉圖

疎疎黃竹向秋乾
雪裏叢蕉尚耐寒
笑讀休文

舊彈事當時恩怨太無端

春陰

客歲逢饑饉春多癘疾侵貧家困艱食老子坐
愁吟節已過驚蟄天猶盛積陰百憂方在抱奚
止惜花心

春日訪澄公用東坡贈參寥師詩韻

開歲雨雪多二月風猶冷山中春信遲百卉未
抽穎今朝忽晴霽初日觚棱炳當關雙魚來巡
簷一鵲警幽人邀入山暫把塵事屏蘭舟御風
行捷比花驄騁探梅鄧尉坳迤邐入銅井雖無

濟勝材精進即勇猛回舟向支硎遙望剡竿影
空山無人聲澄公方止靜相見出新詩篇篇闢
異境細哦猶未了皓月升東嶺何須叩鐵檻妙
墨尋智永公有擊電機願聞不敢請

翌日同往祭船山太守賦詩述事和紹武
韻

入春常苦雨新霽到雲房令節逢花誕禪機問
石霜尋詩同倚杖待月更巡廊明日重移棹情
因感舊傷

會一上人圓寂于鳳巢賦詩哀之

昔從濁水索摩尼十卷楞嚴荷受持此去定登
他化路當來還證我聞時長空鴈過不留影故
紙蜂鑽未是癡惆悵達摩回向早迷津欲渡更
無師

題趙開仲雪江垂釣圖卷

吳江楓冷鱸魚香人生那不思故鄉伊人家住
青灘上門前露白蕪葭蒼仕宦不慕尚書郎博
士官卑近文章日親仲尼登廟堂手拊琴瑟吹
笙簧官舍去家二百里一水如帶通舟航欲歸
不歸三徑荒故園咫尺遥相望有時寄情在滄

浪空江白鷺思翱翔數間郊屋畫中著笠湖萬
頃青茫茫孤舟六幅蒲帆張水雲深處鳴漁榔
一竿嫋嫋北風裏釣得金鱗三尺強我思從子
游濠梁逍遙齊物師蒙莊嗟哉惠施棄我去此
願今生不可償

暮春

園林春到百花知我欲尋芳已後時無事且從
犀首飲有情不諱虎頭癡蠶方出繭依殘箔鵲
又移巢過別枝靜坐山中觀物理身閒始信日
遲遲

夢中和人作

飲酒招騶卒尋花仗橐駝只愁春欲老不問夜
如何詩就奚童拾山游細馬馱壯心容易耗撫
景惜蹉跎

題五嶼讀書圖

東方有卧龍讀書觀大略經生務精純其流乃
穿鑿亦有綴學徒所志在好爵金閨籍既通東
書置高閣松陵有嘉士素心愛墳索終歲手一
編性情此中託監古求明鏡醫俗購良藥世間
事萬端無如讀書樂况居山水間清虛接寥廓

苦心忘艱難至味寄淡泊我生束髮年心早慕
述作欲傳無盡燈若探有底索游蜂鑽故紙驚
蛇赴大壑光陰惜寸分豈肯坐消鑠載歌伐木
詩聞聲心先躍安得酒一瓶與子共商榷

雨中悶坐

夜雨滂沱晝未休江城四月尚披裘春風早布
陽和澤佇看蒼鷹亦化鳩

閒褰葦箔盼庭柯伏雨闌風十日多草草花開
又花謝一年春色暗消磨

蒼溜如泉徹夜鳴東方欲白曉寒生黃鸝紫燕

悄無語但聽林鳩喚婦聲

縱橫衆草太無端檢點羣芳到牡丹穀雨已過
紅未綻名花偏覺得春難

春日重過一榭園

春風吹綠滿遙岑乘興幽尋到舊林飛燕掠波
寧有迹繁花當路總無心石頑尚證三生果
大將成十畝陰我似毘耶老居士眼中閱盡去
來今

江行作

廿年姓字點朝班心似飛鴻倦即還留得白頭

閑歲月年年江上看青山

萬頃滄波一葉船白頭漁父不知年莫將妙手
誇公子一釣連鰲事偶然

登窺園閣呈淵如先生

升高能作賦古稱卿士才胡為江都相坐守故
紙堆芳園五畝多結構青溪隈花竹交掩映猿
鶴無疑猜主人日三至客亦載酒來平橋穩通
步曲水安流杯綠憐野梅落紅想沁蓮開高樓
在西北旁有凌雲臺文憲洵窈窕明月常徘徊
遙望清涼山山勢同崔巍與君結古歡契若陳

與雷傾心出肺腑拊掌雜談諧達人猷主組一
官棄屣回移文謝北隴養志循南陔烟雲恣游
戲邱壑通化裁清和四時適曠奧二妙該琴書
養生主風月行樂媒漸離人事遠方識天道恢
凡今繁華子不少斗筭材僥倖一枝借安知鴻
鵠哉

秦淮上巳

簾外盈盈帶水斜新來燕子賀成家堂前欲拜
初三月坐上同看第一花賸有吟懷方白雪還
將笑口嚼紅霞聞身是處堪栖逸何必雲門住

若耶

燕子磯

平生性僻耽幽寂最苦當關熱客來燕子磯頭
三日住青山任我獨裴回

晚泊紗帽洲

久客知津不問津偶逢崖岸即安身回看萬里
乘風客如此波濤亦駭人

假館休園

山墅誰經始江都鄭子真林泉今易主魚鳥若
依人陳叟先同井

主人見三人

朱公近結鄰

謂笑江樓

遲忘在客婦孺亦相親

僻巷無車馬閑庭似水清
荒林花亂發深樹鳥常鳴
亭取三休義門仍六慎
名讀書綠陰下萬卷任縱橫

積水荒邱下滌洄聚墨池
草深鳴蛤蚧波淨浴鸕鷀
繞樹行吟處憑欄坐釣時
萬家溝洫利消息此中知

晚年機事少萬物不驚猜
怪鳥避人去

園有鴉鳥自余

至後寂然無聲馴獨報客來
苔荒紫篆蹟桐死貯琴材
却惜蘅蕪徑無人闢草萊

湖上

芍藥開時春滿林
湖山到處可幽尋
花嫌日炙人嫌雨
乞取天公一晌陰

竹裏行廚百末新
鱗魚出水白如銀
主人愛客園丁好
拗取花枝笑贈人

繡球花

初夏園林花信過
一株玉樹蔚交柯
瓊瑤刻楮差相擬
蝴蝶成團訝許多
內苑賞春真得寶
後庭蹋鞠欲徵歌
梨雲梅雪曾同夢
寂寞幽人卧澗阿

觀繩伎作

百花齊芳春晝長主人醺客開華堂犂軒幻人
百戲集就中繩伎尤擅場花間百步廣場闢觀
者如牆四圍列娉婷少姝二八年舉頭見客顏
羞澀雙手徐徐挽索登翩然早在雲霄立一竿
在手如水平兩端繫物為權衡誰道身同一鳥
過黃鸝紫燕無此輕百尺長繩兩頭繫一進一
退恣游戲倏忽翻身作倒懸雙趺向天頭著地
綠毛么鳳挂花枝飲水猿猱引長臂須臾騰身
復向前曲肱為枕繩上眠海棠一枝睡未足回

身化作風輪旋兩旁觀者皆心悸當局逍遙若
無事歛衣行酒到尊前未飲先令衆心醉吾聞
伯昏無人懸崖置足心帖然人謂至人全其天
瑣瑣嬰兒技乃爾前身定是肉飛仙

休園八詠

三峯草堂

蕪城古巖邑城市有山林白屋衣冠古滄江歲
月深四時宜對酒一室獨鳴琴誰道繁華地蓬
壺不可尋

嘉樹讀書樓

芳園列嘉樹不讓古平泉繞屋飛榆莢垂簾隔
柳棉邱墳應共寶風月不論錢客裏分陰惜流
光感逝川

春雨亭

綠槐滴空翠紅杏濕燕支蟻夢緣高樹蛙聲開
小池江湖安獨樂稼穡幸先知不作商霖想齊
民術自怡

雲峰閣

客居無一事逢勝即盤桓高閣三霄近陰崖六
月寒野風當戶入山色卷簾看欲擬登樓賦愁

多涉筆難

空翠山亭

林陰深似幄不見四時花樹集歸巢鵲藤紫赴
壑蛇卧遊心自逸坐隱興偏賒室外蓬蒿滿渾
疑仲蔚家

希夷花徑

路入蘅蕪去風吹滿院香行吟山月近坐釣水
雲涼園客丹先熟庖丁器善藏樵夫偏解笑獨
立對空蒼

竹深留客處

十畝羅含宅，茆堂竹裏開。
秋高風落木，春潤雨迎梅。
地有青寧出，人携白堕來。
門多長者轍，行迹滿蒼苔。

來鶴臺

不見羊公鶴，荒臺在碧阿。
當年仙迹在此處，月明多芝草。
籠中餌梅花，笛裏歌雲霄。
隨所適，非為客經過。

讀劉文清公集有書齋偶成四律寄情高遠，依韻和之。

紙閣蘆簾自靜宜，擁書竊比蠹魚癡。
人因識字

憂方大聖欲無言意可知蕉萃叢蘭經雪後
璫種老鶴望雲時江東耆舊風流盡何處揮弦問
子期

芒芒赤縣是神州覺海無邊起一漚曲士窗間
窺日出化人天際御風游夢吞丹篆誰相贈水
孕元珠我自求燕說郢書凡幾輩誰從滄海障
橫流

兩漢尊經全盛日六官舉典考文時先公定禮
偏多闕少女傳書亦可嗤堂上搢紳歌相鼠軍
中鼓吹吼靈夔請看杞宋無徵後何處尋師問

舊儀

新篇吟就寄羊何折柳皇華和者多
瓠史未亡應有述笙詩不補豈成歌
幽蘭定入同心賦靈鳥寧投一目羅
後世子雲如可作微詞鄭重託微波

秋日與姚皖蘆沈雪樓兩孝廉王秋濤陳
小松兩茂才暨陸壻卓夫同游興教寺
漫題方丈

禿髮長眉老比丘十年卓錫在揚州
六時禪定超三界萬佛莊嚴住一樓
修竹行廚聯白社古

墻殘墨畫滄洲玉鉤寂寞瓊花死惟有空門歲
月道

將之江寧自江都泛舟至儀徵即景成篇
百里真州路秋風落木時斷崖臨水曲遠樹帶
雲移近市千家聚迎潮一舸遲浮蹤隨處好今
夜宿江湄

客夜

淮南初落木客館又秋風梁逝辭巢燕庭喧促
織蟲歲華談笑過鄉路夢魂通惟有窗前月清
光到處同

刻船山詩鈔畢題詩於後

茂陵遺稿歎叢殘手為刪存次第刊名世半千
知己少寓言十九解人難留侯慕道辭官早賈
島能詩當佛看料理一編親告奠百年心事此
時完

方尚書挽詞

尚書名維甸歷官
浙閩總督謚勤襄

士生宇宙間所重在知己知我非一人公先屈
一指昔公開府長安城我方分巡華陰市一言
賞識到然明萬事商量及伯始恣恣周旋甫三
月我官復向山東徙臨別情依依愛我入骨髓

一話與一言總為蒼生紀是時秦中兵火餘官
倉懸磬呼庚癸有人違道干衆譽一切征徭悉
禁止余曰和糴雖病民豐年有穀之家尚可以
一朝水旱逢天災無食貧民將餓死彼豈甘心
作餓夫誠恐潢池盜復起延綏況是古邊疆軍
食尤需籌積索常平糴糴本舊章我言未終公
曰唯我出秦關未十旬公之封章已達承明矣
我官緣事一朝罷公因潔養歸鄉里我為教授
至秦淮公聞我至色先喜公至我迎門我往公
倒屣談笑欲生風盤桓輒移晷縱談天下事俛

仰古今裏上籌國計下民生旁及四裔若尺咫
說鬼學蘇髯談天辯周髀携尊每相就秉燭猶
未已形骸脫略見天真通懷樂善如流水前年
盜起燕齊間公方銜恤深閉關

天子有詔召公起公辯不就非愛閑但顙手執
干戈身為士卒先不願受祿立朝班

天子鑒公誠許公歸故山公歸易衰服築室守
墓田去年三吳雨澤愆田穀不成比屋無炊烟
公出家財倡義舉義漿仁粟列市廛寒者得衣
飢得食江寧一郡忘凶年嗟公活人累千萬貧

人感泣富人勸萬間廣厦蔽人難如公方遂平生願公病黃疸非沉疴江南卑濕此疾多五月謁公入公室公方健飯意無他渡江而北纔兩月忽傳凶問初疑訛公竟乘雲歸大羅四海望公今則那

追和船山太守自題惜馬圖詩

朱門不許千金市青海曾經百戰來敢以識塗矜老大空教伏櫪歎虺隤韓盧亦有神仙分黔衛都成令僕才嗟爾權奇空自負無人收骨到燕臺

自江寧放舟還維揚即事成篇

放眼滄江上游心紫宙間關河千駟遠天地一
鷗閒赤辨周瑜壁青知謝朓山塵中人代謝流
水自潺湲

江南至江北一葉度如飛望岸停征棹循牆叩
故扉園丁高屋帽爨婢禿襟衣聽得歸人信迎
門笑語圍

和休園主人自題詩韻

蒼蒼雲樹雜風泉圖畫天然似巨然吉慶花飛
環坐下聰明鳥語到尊前病如鑿齒能安隱老

愛舒祺祝象賢我亦王官谷中客三休心事倩
同傳

王東卿山水畫幀

萬山蜀道碧嶙峋妙手摹來總入神今日寢門
悲逝者當年同是畫中人

邗上送蕪山北上

四海人人說項斯老夫傾蓋最先知馬卿才調
冰壺月叔寶風華玉樹枝十笏蕭齋秋夢地三
升清酒夜談時長安日近人尤遠此後相逢未
可期

即事成詠

謝家風月總清新鸚鵡聰明亦可人
移得一叢香草至秋花雖晚豔于春

百花多似錦屏開一箭蘭芽著意栽
誰道春光已遲暮盡梁尚有燕飛來

舟至潯墅雨阻不得歸

故山已在望雲樹遠微茫淫雨幾時歇
孤舟此夜長麥田晚蛙噪桑墅早蠶忙
獨旦不成寐重衾永夕涼

六十自壽

六十年華彈指過
妄思將壽補蹉跎
畏人杜老幽棲僻
繕性莊生宴坐多
當世行藏原自斷
力田孝弟本同科
鬚鬢如雪真天幸
幾許英賢鬢未皤

忽作城南老禿翁
一生心事付飄風
萬言獻策龍樓下
百計籌兵虎幄中
櫟樹不材終似鴈
蘆茅無兆到飛熊
姓名屢點山公牘
誰信潛夫道已窮

兩朝知遇

主恩稠地厚天高
未得酬此際捫心
終負負當

時騰口太悠悠常看華士爭西笑每見雲將問
北游壯不如人今老矣齒危髮禿復何求

欲求道岸苦無津坐看雙丸若轉輪髀肉復生
傷往事鬢毛漸改惜餘春不妨磨蝎逢初度止
託鴟夷作後塵惟有累人衣食計白頭猶未息
勞薪

不羨平泉草木新敝廬世守念先人仍將經史
名吾里聊藉山林託此身堂上瑟調三婦艷畫
中花駐四時春非才敢道烟霞痼自古神堯有
外臣

衆花長養竹平安
俛仰山林歲月寬
奴解詩書常戀主
婦能荆布勸休官
和神國近遊來便
廣樂天
高夢到難人世
光陰真似電
兩番甲子又重看

百歲憂歡歷萬千
此中不動道心堅
蠹魚食字原能飽
么鳳栖香亦近仙
除却性靈皆外物
偶然和合總前緣
斑衣共序天倫樂
弱女驕兒滿眼前

蟋蟀驚人日月除
今朝對酒笑顏舒
父為文吏曾持戟
兒是貲郎解讀書
平仲舊交投雁雉
偃

師新戲幻龍魚舒祺少小翔風老同向尊前問
起居

韓聽秋以天台藤杖見貽賦詩奉謝

客貽靈壽一枝藤老去扶持是可憑
某水某山隨意往在朝在國待年增
端行頤雷誰相責緩步當車我尚能
携取百錢恣幽討逢花遇酒興飛騰

蔣堯農自山東來賦詩為壽依韻奉酬

富貴長生又學仙世間百事那能全
但知山水閑情好敢道松筠晚節堅
捫蝨有心空擊節捕

蟬無意懶揮絃
龍伸鱗屈看應
徧江上微禽獨
信天

功名智勇原無定
風雅交游別有神
常以靜觀
忘出處并宜平等
視冤親
莊生著論先齊物
杜尉吟詩少替人
努力早營歸老計
故園松菊尚
留春

初冬至天平山看紅葉因訪澄性上人

嶺上鐘鳴嶺外聞
尋僧心受戒香薰
錦囊詩艷
吟紅葉竹竈茶溫
煮白雲緇素飯
依支長老丹
青圖畫李將軍
清遊不覺歸來晚
一路看山到

夕曛

雲泉精舍題壁

攬勝不知遠閒尋祇樹林雲分上中下僧闕去
來今小閣絕塵迹空山生道心幸乘筋力健時
復一登臨

蔣伯生大令浚玉女池獲秦碑殘字拓本
見貽走筆作長歌紀之

嬴氏燔六籍鑿石刻詔書彼廢此復興物理常
乘除嶧山之碑遭野火當時文字成灰土徐家
補亡亦贗鼎點畫雖存趣不古昔我繡衣東海

來訪古不遺輿與臺孔林豐碑若林立觀者寶
愛同瓊瑰岱宗八分亦奇絕擬諸先秦絕非儕
蔣侯嗜古積成癖荒山窮谷儘搜摘玉女池乾
封草多草間零星積瓦礫蕪除既畢池水清水
中一片秦皇石依稀臣斯臣去疾一波一礫可
尋繹吉光片羽世所希携歸尚帶莓苔碧此物
銷沈二千載滄桑屢變今還在奇文全仗好事
傳名迹寧為暴君浼請君精紙佳墨拓萬本編
遺友朋及寮案歐趙兩家所未見神物護持如
有待

詠史

秦用商君法逋客無遁藏後世祖其意保甲編
成章其人雖自敝其法寔則良胡為博浪沙金
椎出道旁萬乘千騎間出入莫敢當此非天網
恢母乃失紀綱大索十日窮罪人終逃亡寄語
千金子安坐毋垂堂

孫武兵法祖繼者有武侯心書闡遺義字字先
後侔中原既板蕩天險在益州當其隆中卧早
定三分謀劍閣塞關隴夔門鎖江流舉國習農
戰民勞亦小休若言獎王室山川阻且修水陸

不並進神州安可收一師向宛洛一師出岐周
首尾不相救攻瑕勢方邁自從失荆襄初願遂
不酬

觀戲有感

百花堂外拓歌臺豪竹哀絲次第催觀者如牆
齊引領斑駁馱得陸郎來

四載聞聲識面難忽驚環珮出勾欄若非自述
瑤華字幾作烏衣子弟看

秋孃江左並風華李錡當年為破家不學綠珠
樓下墮別翻新曲付琵琶

歡場百戲正婆娑有客聽歌喚奈何眼見平水
興廢事由來尤物禍人多

桐城兩賢行

桐城有兩賢方叔與姚叟通經識時務當世少
其耦秋初驚聞方叔故秋深又得姚家計龍蛇
運厄在賢人一篇感舊重新賦先生筮仕乾隆
間日下才名萬口傳蓬山著作推尊宿畫省郎
官望若仙秋風忽念蓴鱸好神武門前掛冠早
五百門生絳帳前執經請業都聞道桐城文章
推兩方

百川先生

望溪先生濟猷升其堂如木從繩金度

範尺寸不肯踰短長我生識公晚公意特繼繼
携杖每相過揮麈輒稱善秦淮風物清且閑尚
書告寧亦在山山中日月不易得我乃談笑兩
賢間彈指光陰五裘葛馬卿筆札君卿舌方向
西南慶得朋誰料一朝皆永訣尚書騎箕歸帝
旁公亦逍遙白雲鄉我思逝者心悲傷笛聲悽
惻如山陽

挽同年伊墨卿

我年行六十故舊漸零落海內同歲生今又一
个弱揚州太守伊墨卿治郡欲奪龔黃名歸家

十年復來止朱邑不忘桐鄉情君言故山林壑
美十畝之園隔城市稻梁價賤鮭菜多三百青
錢足甘旨北望京華心不已一朝復為蒼生起
古人就國當夜行欲前不前是何以蕪城明月
五回圓祖生盤桓未著鞭白雲出岫原無意試
問九原然不然我尚叨君一歲長君胡先我歸
泉壤朋友傷心父老悲素車白馬臨江上丹旌
搖搖反故閭人生到此天何如獨留一事強人
意有子仍能讀父書

吳曇繡挽詞

茫茫宇宙間大海真無邊浮萍兩葉逢亦是多
生緣公生歲甲子我後十二年事公如事兄於
禮亦宜然家世闔閭城與公生同里平生出處
蹤約略頗相似百吏共彈冠人情重館閣公居
鳳凰池儼直聽金鑰我在玉堂中簪筆守鈴索
皇天付玉尺量才典文學桃李滿門前願之心
亦樂忽然事戎馬世事偶邂逅公平南越王我
掃西川寇姓名
九重知論功賞亦懋冠影孔翠翎衣表神羊繡
及公作屏翰開府東海濱而我亦繼至為

國執法臣芳林槿易瘁滄波蠖不伸安步躋於
垤先後歸田畛詩書課後生伏臘隨鄉人方期
雲龍逐同享太平春誰料天不弔公竟先歸真
古云德不孤修士必有鄰芝焚蕙應歎長言當
吟呻

陶雲汀給諫寄示皇華草漫成二律

奚囊詩草錦成堆使者當年蜀道回遇主逢時
知士貴升高能賦見卿才一編珠玉經心出萬
里雲山放眼開竊喜湖湘采風日先從衆裏識
奇材

揭揭鋒車指大峨時因慷慨託高歌川原登涉
皇程遠都邑經過戰壘多問俗寶書勤著述愛
才珊網儘蒐羅此邦悉我曾游地把卷重將倦
眼摩

孫淵如五畝園圖

興公厭塵網言尋遂初賦心愛鍾山佳卜宅金
陵住芳園五畝多近接青溪步當中構虛堂制
度甚完素堂後布名花堂前列嘉樹幽沼屈曲
通清波自流注中有妙蓮花觀者生神悟主人
愛客來共領烟霞趣

古人勞王事將父每不遑公獨篤於親潔養歸
故鄉堂上垂白翁心泰身康強室有三婦艷佳
兒亦扶床花時集婦子介壽舉一觴綵衣共娛
戲蘭桂儼成行安事人爵榮天爵樂未央

古今人不同所志必有託或愛貨與財或慕官
與爵擾攘百年中一心苦纏縛公乃異於是所
尚天倫樂阿翁八十餘精神甚矍鑠明歲鹿鳴
時旨酒看重酌大椿多修齡常棣亦聯萼我知
謝幼輿所性在邱壑

富貴易銷歇文章乃不朽聖賢垂六籍所仗經

生守公性耽圖史勤學世無耦書宗孔氏傳潛
研及科斗解字及說文一筆不肯苟鴻文自有
範英絕脫窠臼著成等身書壽比名山久

將去金陵留別夏生文茵

寄迹鍾山下頻年慶盍簪士先端始進學在惜
分陰薪火三生契風雲萬里心豫章非有種善
養即成林

世俗爭名急文章載道難但師庾信健不取孟
郊寒美集千狐腋功成九轉丹妙來無過熟消
息視僚丸

十笏維摩室周旋四度春松筠心不改燈火夢
常親書帶階前草儒冠席上珍吾門有衣鉢想
望眼中人

六十勞生久吾衰願息機名山誰可託流水自
知歸鵬運前程遠萍蹤後會稀臨歧留一語捷
徑古人非

老態漸生口占自嘲

零落殘牙力漸枯雙眸無鏡即模糊平生怕作
欺人事側室雖多不染鬚

兒女小名呼輒誤讀書掩卷便茫然逢人話及

少年事覩縷常如在眼前

為馬星璿題照

弱冠相依今廿年
鬚鬢髣髴漸蒼然
平生愛學涪翁筆
費盡成都十樣牋

愛酒耽書是宿因
錚錚自現鐵中身
文章我愧蕭夫子
門下憐才亦有人